

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON GRAD ZAVIDOVIĆI STRUČNA SLUŽBA GRADONAČELNIKA			
Primljeno: 30-01-2026			
Org. jed.	Kl. ozna.	Red. broj	Br. priloga
01	11	228/26	

Broj: 02-11-1744/25-AP-4
Datum: 27.01.2026. godine

GRADSKO VIJEĆE ZAVIDOVIĆI
n/r PREDSJEDAVAJUĆI GRADSKOG VIJEĆA
Amira Hadžić

PREDMET: Prijedlog odluke o davanju saglasnosti o odlučivanju
o pokretnim stvarima i opremi potrebnim za rad organa
uprave i drugim organima Grada Zavidovići, dostavlja se

U prilogu akta dostavljam Vam Prijedlog odluke o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići.

Prijedlog odluke o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići sa obrazloženjem i zaključkom gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“ broj 7/22 – Prečišćen tekst i 1/23)

S poštovanjem.

Dostavljeno:

1. Naslovu,
2. U spis.

Akt pripremio: N. Čahtarević
(Nermin Čahtarević)



GRADONAČELNICA

me. iur. Erna Merdić Smailhodžić

Erna



Broj: 02-11-1744/25-AP-3

Datum: 27.01.2026. godine

Na osnovu člana 11. Poslovnika o radu Kolegija Općinskog načelnika („Službeni glasnik općine Zavidovići“, broj: 1/2017), Kolegij Gradonačelnika Zavidovići na 15. sjednici održanoj 27.01.2026. godine razmatrao je Prijedlog Odluke o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići, te nakon rasprave Gradonačelnica donosi

ZAKLJUČAK

1. Utvrđuje se Prijedlog Odluke o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići, koji je pripremila Stručna služba gradonačelnika.
2. Prijedlog Odluke o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići sa obrazloženjem dostavlja se Gradskom vijeću Zavidovići na razmatranje po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“ broj 7/22 – Prečišćen tekst i 1/23) jer se ne radi o obimnoj i složenoj odluci.
3. O realizaciji ovog zaključka starat će se Stručna služba gradonačelnika.

Dostavljeno:

GRADONAČELNICA

1. Gradsko vijeće Zavidovići,
U spis.

mr. iur. Erna Merdić Smailhodžić

Akt pripremio:


(Nermin Čahtarević)





Broj: 02-11-1744/25-AP-2

Datum: 27.01.2026. godine

Na osnovu člana 114. stav (1) i (2) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), člana 13. stav (2) alineja 5. i članom 35. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 10. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022), Gradsko vijeće Zavidovići na svojoj __. sjednici održanoj dana __.2026. godine, donijelo je

ODLUKU

o davanju saglasnosti o odlučivanju o pokretnim stvarima i opremi potrebnim za rad organa uprave i drugim organima Grada Zavidovići

Član 1.

(1) Daje se saglasnost Gradonačelnici da može samostalno odlučivati o pokretnim stvarima i opremi potrebnim za rad organa uprave i drugih organa Grada Zavidovići ako zakonom ili odlukom nije drugačije propisano, kako slijedi:

- nabavci u iznosu do 80.000,00 KM sa pripadajućim porezom tržišne vrijednosti po jednom komadu stvari ili opremi koja se nabavlja,
- prodaji u iznosu do 20.000,00 KM sa pripadajućim porezima knjigovodstvene vrijednosti po jednom komadu stvari ili opremi koja se prodaje,
- prenošenju prava korištenja do 20.000,00 KM sa pripadajućim porezom knjigovodstvene vrijednosti po jednom komadu stvari ili opremi koja se prenosi,
- rashodovanju do 30.000,00 KM sa pripadajućim porezom knjigovodstvene vrijednosti po jednom komadu stvari ili opremi koja se rashoduje,
- davanju ili uzimanju na poslugu do 20.000,00 KM sa pripadajućim porezom knjigovodstvene vrijednosti po jednom komadu stvari ili opremi koja se daje ili uzima na poslugu,
- davanju u zakupu do 20.000,00 KM sa pripadajućim porezom knjigovodstvene vrijednosti, odnosno uzimanja u zakup do 20.000,00 KM sa pripadajućim porezom tržišne vrijednosti po jednom komadu stvari ili opremi koja je predmet zakupa.

(2) U slučaju da se ne raspolaže knjigovodstvenom vrijednošću za aktivnosti iz stava (1) ovog člana, vrijednost pokretne stvari i opreme se utvrđuje procjenom vrijednosti pokretnih stvari i opreme.

Član 2.

Ovlašćuje Gradonačelnica može donositi odluke i zaključivati ugovore o pokretnim stvarima i opremi iz člana 1. ove Odluke.

Član 3.

Ova Odluka stupna na snagu prvog dana od dana objavljivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

Hadžić dr. Amira, spec. radiolog

O B R A Z L O Ž E N J E

PRAVNI OSNOV ZA DONOŠENJE ODLUKE

U članu 114. stav (1) i (2) Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) propisano je: Rukovodilac organa uprave i upravne organizacije, a u općini općinski načelnik, odnosno u gradu gradonačelnik odlučuju o raspodjeli i korištenju sredstava iz čl. od 109. do 113. ovog Zakona u skladu sa zakonom i drugim propisom, odnosno propisom općinskog, odnosno gradskog vijeća. „Rukovodioci organa i organizacija iz stava (1) ovog člana, u skladu sa zakonom i drugim propisima, samostalno odlučuju o: nabavljanju, prodaji, prenošenju prava korištenja, rashodovanju, davanju, ili uzimanju na poslugu, ili u zakup pokretnih stvari i opreme potrebne za rad organa, odnosno organizacija i to do visine vrijednosti koju odredi Vlada Federacije za federalne organe uprave i upravne organizacije, odnosno vlada kantona za kantonalne organe uprave i upravne organizacije, a općinsko, odnosno gradsko vijeće za općinske, odnosno gradske organe uprave i upravne organizacije.“

U članu 13. stav (2) alineja Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) propisano je: „Vijeće u okviru svoje nadležnosti donosi odluke o upravljanju i raspolaganju imovinom jedinice lokalne samouprave“.

U članu 35. Zakona o principima lokalne samouprave u Federaciji Bosne i Hercegovine propisano je: „Imovinom u vlasništvu općine mora se upravljati u skladu sa zakonom i drugim propisima, te u interesu lokalnog stanovništva i s pažnjom dobrog domaćina. Postupak utvrđivanja i prijenosa vlasništva i rješavanje međusobnih potraživanja u vezi s prijenosom vlasništva, kao i druga imovinska potraživanja uređuju se zakonom. Vijeće odlučuje o pribavljanju, korištenju, upravljanju i raspolaganju imovinom jedinice lokalne samouprave.“

U članu 10. stav (1) alineja 7. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022) propisano je: „Gradsko vijeće Zavidovići donosi odluke o upravljanju i raspolaganju imovinom.“

RAZLOZI DONOŠENJA ODLUKE

Grad Zavidovići vrši nabavku opreme i pokretnih stvari potrebnim za rad organa uprave i drugih organa Grada Zavidovići u svrhu obezbjeđivanja uslova za rad i izvršavanja povjernih poslova i zadataka. Nakon dostrajalosti opreme i pokretnih stvari tokom njihovog korištenja iste je Grad Zavidovići je obavezan prema propisima rashodovati i u nekim slučajevim prodati kada za to postoji interes. Mjesne zajednice i drugi subjekti se često obraćaju za dodjelu računara, namještaja i druge opreme koji se ne koriste u radu organa uprave i drugih organa Grada Zavidovići, koji zadovoljavaju njihove potrebe u radu. Kako bi Gradonačelnica samostalno mogla odlučivati o postupcima bliže opisanim u članu 1. ove Odluke potrebno je odrediti visinu novčanih sredstava do koji Gradonačelnica može samostalno odlučivati o pokretnim stvarima i opremi za rad organa uprave i drugih organa Grada Zavidovići.

Zbog navedenog predlaže se donošenje ove Odluke.

FINANSIJSKA SREDSTVA POTREBNA ZA PROVOĐENJE ODLUKE

Za provođenje ove Odluke nije potrebno planirati sredstva u Budžetu Grada Zavidovići.

GRADONAČELNICA

mr. iur. Erna Merdić Smailhodžić

Akt pripremio:


(Nermin Čahtarević)